

BESTELAKO XEDAPENAK

HEZKUNTZA SAILA

2426

AGINDUA, 2022ko maiatzaren 13koa, Hezkuntzako sailburuarena, Leioako (Bizkaia) CPEIPS «Gaztelueta» HLBHIP Haur, Lehen eta Bigarren Hezkuntzako ikastetxe pribatuaren baimena aldatzeko dena.

Leioako (Bizkaia) CPEIPS «Gaztelueta» HLBHIP Haur, Lehen eta Bigarren Hezkuntzako ikastetxe pribatuaren entitate titularrak hasarazitako espedienteaz aztertu da, zeinaren bidez baimena eskatzen baita Haur Hezkuntzako 1. zikloan bi unitate gehitzeko: unitate bat 1-2 urteko haurrentzat, eta bigarren unitate bat 2-3 urte bitarteko haurrentzat.

Espediente horren izapideak araudiak ezarritako prozedurari jarraituz egin dira; gainera, indarrean dauden arauak eskatzen dituzten agiriak erantsi zaizkio eta arlo horretan eskumena duten erakundeek egin dituzte txostenak.

Arau hauek ikusi dira: 332/1992 Errege Dekretua, apirilaren 3koa, unibertsitateaz kanpoko araubide orokorreko irakaskuntzak emateko ikastetxe pribatuen baimenei buruzkoa (apirilaren 9ko BOE); 131/2010 Errege Dekretua, otsailaren 12koa, (martxoaren 12ko BOE) apirilaren 3ko 332/1992 Errege Dekretua aldatzen duena; 215/2010 Dekretua, azaroaren 16koa, 0 eta 3 urte bitarteko umeentzako haur-eskolek bete beharreko gutxienezko baldintzak ezarri, eta abenduaren 17ko 297/2002 Dekretuaren artikulua batzuk indarrean iraunarazten dituen (azken dekretu horrek Euskal Autonomia Erkidegoko zero urtetik hiru urtera bitarteko umeen haur-eskolak arautu zituen 2002-2003 eta 2003-2004 ikasturteetan) (azaroaren 19ko EHAA), eta gai horretan aplikatzekoak diren gainerako legeak. Horiek horrela, honako hau

EBAZTEN DUT:

1. artikulua.– Ondoren zehazten den ikastetxeari baimena ematen zaio, 2022-2023 ikasturtetik aurrera, Haur Hezkuntzako 1. zikloan bi unitate gehitzeko: unitate bat 1-2 urteko haurrentzat eta bigarren unitate bat 2-3 urte bitarteko haurrentzat.

Kode zenbakiak: 014768 eta 48005691

Izen generikoa: Haur, Lehen eta Bigarren Hezkuntzako ikastetxe pribatua

Izen espezifikoa: «Gaztelueta»

Titularra: Asociación Docente, Cultural y Formativa del Colegio Gaztelueta

Helbidea: Artaza auzoa, 87

Udalerrria: Leioa

Lurralde historikoa: Bizkaia

Baimena: Haur Hezkuntzako 1. zikloko bi unitate gehitzea, 1-2 urteko haurrentzat unitate bat eta 2-3 urteko haurrentzako beste unitate bat.

Ikastetxearen osaera:

– Haur Hezkuntzako 1. zikloa: 7 unitate, honelako edukierakoak:

- Unitate bat 0-1 urte bitarteko haurrentzat, 8 ikaspostuko edukierakoa.

- 3 unitate 1-2 urte bitarteko haurrentzat, 13 ikaspostuko edukierakoa bakoitza.
- 3 unitate 2-3 urte bitarteko haurrentzat, 18 ikaspostuko edukierakoa bakoitza.
- Haur Hezkuntzako 2. zikloa: 9 unitate, 225 ikaspostuko edukierakoa.
- Lehen Hezkuntza: 18 unitate, 450 ikaspostuko edukierakoa.
- Derrigorrezko Bigarren Hezkuntza: 16 unitate, 480 ikaspostuko edukierakoa.
- Batxilergoa: 6 unitate, 210 ikaspostuko edukierakoa.
- Hezkuntza Berezia: 3 gela ireki.
- Lanbide Heziketa:

Familia: Administrazioa.

- Administrazio-kudeaketako erdi-mailako prestakuntza-zikloa. Edukiera: ziklo 1.

Familia: Informatika.

- Informatika-sistemen administrazioari goi-mailako prestakuntza-zikloa. Edukiera: ziklo 1.

2. artikulua.– Ikastetxeak martxoaren 17ko 314/2006 Errege Dekretuaren bidez onartutako Eraikuntzako Kode Teknikoa bete beharko du, bai eta indarreko legeriak ezartzen dituen higiene-, osasun-, akustika-, bizigarritasun-, segurtasun- eta irisgarritasun-baldintzak ere. Ikastetxearen titularraren erantzukizuna izango da baldintza horiek betetzea.

AZKEN XEDAPENETAKO LEHENENGOA

Agindu honetan dagoen baimen-emateak ez du esan nahi hezkuntza-itunen araubidearen edo dirulaguntzen deialdien bitartez laguntzarik lortuko denik.

AZKEN XEDAPENETAKO BIGARRENA

Agindu honen aurka, aukerako berraztertze errekurtsoa aurkez dakioko Hezkuntzako sailburuari, hilabeteko epean, agindua Euskal Herriko Agintaritzaren Aldizkarian argitaratu eta hurrengo egunetik aurrera; bestela, administrazioarekiko auzi-errekurtsoa aurkez daiteke Euskal Autonomia Erkidegoko Auzitegi Nagusian, bi hilabeteko epean, agindua Euskal Herriko Agintaritzaren Aldizkarian argitaratu eta hurrengo egunetik aurrera.

Vitoria-Gasteiz, 2022ko maiatzaren 13a.

Hezkuntzako sailburua,
JOKIN BILDARRATZ SORRON.